

**Tigbont tà
San
kele' tù nnò
Nà wongeh tigbont tuu te ma
bo**

San nε kele' tigbont tuta tuu nò. Wa kele' u'yel tu'ni niba saan.

Kukpieku kuu ni ni'ba saan ηa wongeh u kele' kù ki de' wà. U lii kele' ki de' Kristo yaab biba nε, bi paan' binib biba bo bi'wòknm ηa kpe sen bo. Nen bo nε San kele' kugbònkù kuu ki tòke' bà li kàanh kù ki ye be í liike bi'yul bo nin mi ya wòknm.

Kugbònlieku ni, San yih u'ba «ucien nε.» U kele' kù ki de' upii uba nin u'bumu nε. Upii uba nin u'bumu nnò yé Kristo ya taanl liba nin li'nib nε.

U saakreh bà li kàan kù nnò ya gbenent be í li yíe tób, kí li pε Yesu ya wòknm bo mòmòm nε.

Wòn unibaab nε kele' kugbòntaaku ki de' uje uba, ki pèke' wò, kime u pε tigbemònt ya sen bo, ki toreh Kristo yaab. U liebe' ki lienh ujetò mò bó. U yíe' «ucien» ya ñòbu bó, ka teknh cenb mò (migbiirm 9-10). U tí liebe' ki lienh ujetò uba mò ya gber, u teke' Yesu ki jin' (migbiirm 11-12). U saakreh ukpiek nnò ya gbenent wò í li pε u ya je ya tetem bo nε.

Mifuobm ya gber

¹ Ti tòkeh nε ti cii' nà, ti'nunbu laa' nè, ti ñuòre' nè, ti'nuò me' nè nnò ya gber nε. Tigber bugben là te haali tibont ke ya cincinyo nε, ki yé limiel ya gber.

² Mifuobm nnɔ ya daan taa' u'ba ki wuɔn' tɛ, ti laa' wɔ nɛ ki kundeh imɔn, ki tɔkeh nɛ *limiɛl là ɲa ɲmɔbe gbenm ya gber. Wà yé limiɛl ya daan nnɔ là te nin Baa Uwien nɛ, ki taa' u'ba ki wuɔn' tɛ.

³ Ti cii' nà, ki laa' nɛ nnɔ, ti tɔkeh ni'mɔ ni ya gber nɛ, ɲɔ tinbi nin ninbi ɲ li te uɲɔkpaan ni. Ti'ɲɔkpaan nnɔ yé uɲɔkpaan wà tinbi nin ti'Baa Uwien nin u'Bijɛ *Yesu Kristo ɲmɔbe wù nnɔ nɛ.

⁴ Ti yíe tí li ɲmɔbe uyɛnsɔnge kí tí gben nɛ. Nɛn bo nɛ ti kɛle' tigber tuu nɔ ki de' nɛ.

Nɛ mɛn licinɲunl ni ki kɔ kuwenwenku ni

⁵ Ti cii' tigber tà *Yesu saan nnɔ, ti tɔkeh nɛ tun so: Uwien yé kuwenwenku nɛ, cinɲunl ɲa te u'ni.

⁶ Ti lienh ki teh tinbi nin Uwien ɲmɔbe uɲɔkpaan, ki liɛbe' ki te licinɲunl ni la, ti yé bitonnɛndɛnb nɛ, ta ɲmɔbe gbɛmɔnt.

⁷ Ama ti te kuwenwenku ni tɛn Uwien te kuwenwenku ni ma la, ti ɲmɔbe uɲɔkpaan nin tɔb nɛ. Nɛ u'Bijɛ *Yesu ya sɛm sɔkreh ti'biere kɛ.

⁸ Ti len' ki ye ta ɲmɔbe biere la, ti tulndeh ti'ba nɛ, gbɛmɔnt ɲa te ti'fɛl ni.

⁹ Ti kpiire' ti'biere ki tɔke' Uwien la, u li fère tɛ, kí sɔkre ti'fɛl kí ɲɛn nà kɛ bre, kimɛ u cuube nɛ ki yé ugbɛmɔndaan.

¹⁰ Ti len' ki ye ta teh biere la, ti yin' Uwien utonnɛndaan nɛ, nɛ u'gber ɲa te ti'fɛl ni.

2

Kristo nɛ yé ucɛndɛnduol

¹ N'bumu, ma yíe ní li teh biere. Nɛn bo nɛ n kɛle' tigber tuu ki de' nɛ. Ama unil tien' ibiere mɔnɔn

la, ti ηm̄obe *ucendenduol uba ti'Baa Uwien saan. W̄on si: *Yesu Kristo ugbem̄ndaan.

² U taa' u'ba ki tien' litūrl ki de' Uwien η̄o Uwien n̄ f̄ere t̄e ti'biere n̄e. Na yé ti'yi baba, u li f̄ere uη̄endun ya nib k̄e m̄o yi n̄e.

³ Ti tuo' Uwien ye n̄a la, nen n̄e w̄ongeh t̄e ki teh ti m̄anbe ki ben Uwien.

⁴ W̄a k̄e ye u ben Uwien, ka tuo' u ye n̄a la, u yé utonn̄ndaan n̄e, n̄e gbem̄nt̄ η̄a te u'f̄el ni.

⁵ Ama w̄a k̄e boh Uwien ya gber la, w̄on n̄e cinbe ki yie Uwien ki t̄i gben'. Nn̄o n̄e ti m̄anbe ki ben ki ye tinbi nin Uwien t̄e.

⁶ W̄a k̄e ye w̄on nin Uwien t̄e la, w̄o n̄ li fuobe ten *Yesu Kristo là fuobe ma bo.

Li yie men t̄ob

(San 13:34-35)

⁷ N'j̄otieb̄e, na yé w̄obf̄enl n̄e n k̄ieh ki dien̄h n̄e, ama n̄i yé liw̄obkpaal n̄e. Ni là cin' ki paan' *Yesu Kristo ya sen bo ma nn̄o, n̄e ki cii' lè. Liw̄obkpaal bugben yé tigber t̄a ni là cii' t̄u nn̄o n̄e.

⁸ Nin nen k̄e η̄o, n k̄ele' liw̄obl là ki de' n̄e nn̄o yé lif̄enl n̄e. Ninbi nin *Yesu Kristo ya tetem n̄e w̄ongeh ki teh liw̄obl nn̄o m̄an. Kim̄e licin̄ñunl benh ki gbendeh n̄e, n̄e kuwenwenm̄nku cin' ki wendeh.

⁹ W̄a k̄e ye u te kuwenwenku ni, ki nen u't̄o la, u bīe ki te licin̄ñunl ni n̄e.

¹⁰ W̄a k̄e yie u't̄o la, u te kuwenwenku ni n̄e. Bonn η̄a te u'f̄el bo kí fre kí c̄ere w̄o n̄ tien n̄a bre.

¹¹ Ama w̄a k̄e nen u't̄o la, u te licin̄ñunl ni n̄e, ki cuonh ka ben u joh n̄a bó. Kim̄e licin̄ñunl nn̄o jūon' w̄o η̄o.

Ni'nun la li m̄on uη̄endun nin u'bont bo

12 N'bumu, n kieh tigber tuu ní de ne, kime Uwien fère' ne ni'biere *Yesu Kristo ya yel bo ño.

13 N'baambe, n kieh tigber tuu ní de ne, kime ni ben wà te haali tibont ke ya cincinyo.

Bifènbe, n kieh tigber tuu ní de ne, kime ni faake' nin usenpol ubierɔ ño.

14 N'bumu, n kele' tigber tuu ki de' ne, kime ni ben Baa Uwien.

N'baambe, n kele' tigber tuu ki de' ne, kime ni ben wà te haali tibont ke ya cincinyo.

Bifènbe, n kele' tigber tuu ki de' ne, kime ni ñmɔbe mituɔm,

Uwien ya gber te ni'fèl ni,

ne ni faake' nin usenpol ubierɔ.

15 La yíe men unɛndun wuu, ki niireh nin tibont tà te u'ni.

Wà ke yíe unɛndun wuu la,

wa ñmɔbe Baa Uwien ya yíem.

16 Kime iyenmaalbiere yà te unisaal ya fèl bo nno nin u ñmɔbe ununfɔke wà u lenh tibont tà bo nno

nin u ñmɔbe tigbengt tà u'faal bo nno

ña ñen' Baa Uwien saan,

tu'ke ñen' unɛndun wuu ni ne,

ki yé unɛndun jaar.

17 *Unɛndun wuu nin tibont tà binib ya nun fɔke tu'bo nno ke li gben, ama wà ke teh Uwien yíe nà la, udaan li tuu ki te ne.

Nà li tore ne ni bende Kristo ya nennend

18 N'bumu, ni sien' waamu ne ugbengbenyo ní baa. Ni là cii' bi ye Kristo ya nennend li baa ní. Fɛnfennɔ wuɔ Kristo ya nennendb baa' ki yebe. Nen

bo nε ti bende' ki ye nĩ sien' waamu nε ugbeng-benyo ń baa.

19 Bi là te ti'cεkl ni, nε ki siere' ti'saan. Ba li là yé ti'yaab. Bi bi là yé ti'yaab la, bi bi biε ki te ti'ni nε. Bi siere' ti'saan ma nnɔ, nεn nε wuɔn' tε nĩ wien ki ye bi'ke ɲa li mɔnbe ki yé ti'yaab.

20 Ninbi ben wɔn, Kristo de' nε *Mifuoñaanm ɲɔ. Nεn bo nε ni'ke ben nà yé tigbεmɔnt.

21 Na yé na ben gbεmɔnt nε cère' n kele' tigber tuu ki de' nε. Ni ben tigbεmɔnt ma nnɔ nε cère' n kele' tũ ki de' nε. Ni ben ki ye tonnenku ɲa te gbεmɔnt ni.

22 Nɲε yé utonnendaan-i? Na yé wà nieh ki teh *Yesu ɲa yé Uwien ya Nigendke Kristo-oo? U ya daan nε yé *Kristo ya nennend, ki nieh ki teh wa ben Baa Uwien nin u'Bije.

23 Wà kε nie' ki ye wa ben Uwien ya Bije la, u nie' ki ye wa ben Baa Uwien mɔ nε. Wà kε ye u ben Uwien ya Bije la, wɔn nin Baa Uwien kpe buñɔbu nε.

24 Ninbi wɔn, cère mɛn ni là cii' tigber tà haali micincinm nnɔ ń li te ni'fɛl ni. Tigber tà ni là cii' tũ micincinm nnɔ te ni'fɛl ni la, ni tε nin Baa Uwien nin u'Bije nε.

25 U pũon' ki ye u li de tε nibonn nà nnɔ, nεn si: *limiɛl là ɲa ɲmɔbe gbenm nε.

26 N kele' tigber tuu ki de' nε ń tɔke nε binib bà nuunh bε ń tuln nε nnɔ bó nε.

27 Ninbi ben wɔn, Kristo de' nε *u'Fuoñaanm nε mĩ tuu ki te ni'bo, nε na ji nuunh nil ń wɔkn nε u'gber. *U'Fuoñaanm nnɔ nε wɔknh nε ni'ke. Mĩ wɔknh nε nà nnɔ yé tigbεmɔnt nε, ma nendeh. Li tε mɛn nin Kristo, *u'Fuoñaanm wɔkn' nε ma bo.

28 N'bumu, li te men nin Kristo fenfennɔ ɲɔ lidaali là u li baa ní, kí ñen u'ba upaan bo binib ke ní le wɔ nnɔ tí li ɲmɔbe midum ɲɔ fe la cuo te u'nun bó.

Uwien ya bumu ɲa ji li teh biere

29 Ni ben ki ye Kristo yé ugbemɔndaan ma nnɔ, bende men kí ye unil wà ke teh nà cuube la, u yé Uwien ya buk ne.

3

1 Liike men Baa Uwien yíe te ní tí kpe ma. U yíe te ki gbien' haali ki tí yin' te u'bumu. Ti mɔnbe ki yé u'bumu ne. *Uɲendun ya nib ɲa ben te, kime ba ben Uwien yé udaan wà.

2 N'jɔtieɛ, fenfennɔ wuu ti yé Uwien ya bumu ne. Ama ta laan ben ti lá li te ma bo. Ti nín ben ki ye Kristo lá li ñen u'ba upaan bo uyo wà nnɔ, ti li naan wɔn ne, kime ti li le wɔ, u te ten u li te ma bo ne.

3 Wà ke ɲmɔbe Kristo bo li ya dɛndɛnl la, wa ji ɲmɔbe jɔknt ten Kristo ɲa ɲmɔbe jɔknt ma.

4 Wà ke teh ibiere la, u wiɛ' yiko ne, kime yiko ya wiɛm yé ibiere ne.

5 Ni ben ki ye Kristo baa' uɲendun wuu ni wɔ ní gben ibiere ne. Ne biere iba mɔnɔn ɲa te u'ni.

6 Wà ke te nin wɔ la, wa ji teh biere. Wà ke teh ibiere la, wa laa' wɔ, ka ben wɔ mɔ.

7 N'bumu, la cère men uba ní tuln ne. Wà ke teh nà cuube la, u yé ugbemɔndaan ten Kristo yé ugbemɔndaan ma ne.

8 Wà ke teh ibiere yé usɛnpol yɔ ne, kime usɛnpol yé ubierdaan ne haali tibont ke ya cincinyo. Nen bo ne Uwien ya Bijɛ baa' uɲendun wuu ni wɔ ní gben usɛnpol ya tòn.

⁹ Wà kε yé Uwien ya buk ηa ji li teh biere, kime Uwien ya tetem te u'ni. U yé Uwien ya buk ma nnɔ, wa ní fre kí tien biere.

¹⁰ Wà kε teh nà ηa cuube, ka yíe u'tɔ la, wa yé Wien ya buk. Nεn nε cèreh bi bɛndeh bà yé Uwien ya bumu nin bà yé usɛnpol yaamu.

Li yíe mɛn tɔb

¹¹ Ni là cii' tigbɛr tà haali micincinm nnɔ tun si: «Tí li yíe tɔb nε.»

¹² La cère mɛn tí li te tɛn Kayɛn. U là yé usɛnpol ubiɛrɔ yɔ nε, ki ku' u'ninjɛ. Bɛ bo nε u ku' wɔ? U là ku' wɔ, kime u ya tòn la bre nε, nε u'ninjɛ yɛ cuube.

¹³ N'yaabɛ, *uηɛndun ya nib nɛn nε la, la cère mɛn nè ní cuo nε yɔkm.

¹⁴ Tinbi yíe tí'tɔb Kristo yaab ma nnɔ nε cère' ti bɛnde' ki ye ti ñɛn' mikuum ni ki kɔn' mifuobm ni. Wà kε ηa yíe u'tɔ la, u biɛ ki te mikuum ni nε.

¹⁵ Wà kε nɛn u'tɔ la, u yé unikul nε. Nε ni bɛn ki ye limiɛl là ηa ηmɔbe gbenm ηa te nikul ni.

¹⁶ Nà sɔ cère' ti bɛnde' miyíem ya tingi: Kristo teke' tinbi ya kuum nε ki kpo'. Ní mɔn tí'mɔ ní teke tí'tɔb ya kuum nε kí kpo.

¹⁷ Unil ηmɔbe lifaal uηɛndun wuu ni, ki laa' ní pɔre' u'tɔ, nε wa tuo' wɔ ní ηukre kí tore wɔ la, u ηmɔbe Uwien ya yíem mila bo?

¹⁸ N'bumu, la cère mɛn tí li yíe tɔb buñɔbu ni, cère mɛn tí li sɔnh itòn ya wɔngɛh ki teh ti mɔnbe ki yíe tɔb.

¹⁹⁻²⁰ Nɛn nε li cère tí bɛnde kí ye ti pɛ tigbɛmànt bo. Ní yé tí'yɛnmaale mɔnɔn nε biindeh tɛ

la, ti'yɛnm dɔ Uwien saan nɛ, kimɛ Uwien cɛn' ti'yɛnmaale, ki bɛn tibont kɛ.

²¹ N'jɔtieɛ, ti'yɛnmaale ŋa biindeh tɛ la, ti ŋmɔbe midum Uwien saan.

²² Nɛ ti miɛ' wɔ nà kɛ la, u dienh tɛ nɛ nɛ, kimɛ ti boh u'wɔbl nɛ ki sɔngreh u'yɛnm.

²³ U de' tɛ liwɔbl là nnɔ si: tí teke u'Bijɛ *Yesu Kristo kí ji, kí li yíe tɔb, tɛn wɔn *Yesu Kristo tɔke' tɛ ma bo.

²⁴ Wà kɛ boh Uwien ya wɔbl la, u tɛ nin Uwien, nɛ Uwien mɔ tɛ nin wɔ. U de' tɛ Mifuoŋaanm ma nnɔ nɛ cɛrɛ' ti bɛn ki ye u tɛ nin tɛ.

4

Ni li tien ma kí bɛnde Mifuoŋaanm te bà bo

¹ N'jɔtieɛ, la li teknh mɛn binib bà kɛ lienh ki teh bi ŋmɔbe *Mifuoŋaanm nnɔ ki jinh, ama ní sekn kí bɛnde kí ye *Mifuoŋaanm nɛ cɛrɛ' bi lienh kí yaan kí teke bɛ kí ji. Kimɛ bitonnɛnŋɔbonsɔknɔb ji gbe nɛ uŋɛndun ni.

² Nà sɔ li cɛrɛ ní bɛnde binib bà ŋmɔbe *Uwien ya Fuoŋaanm: wà kɛ lienh ki teh *Yesu Kristo mɔnbe ki baa' uŋɛndun wuu ni nin tinisaalgbenɛnt la, wɔn nɛ yé Uwien yɔ.

³ Wà kɛ lienh ki teh Kristo ŋa baa' nin nisaalgbenɛnt la, wa yé Wien yɔ, u yé Kristo ya nɛnnɛnd yɔ nɛ. Ni cii' bi ye Kristo ya nɛnnɛnd li baa ní. Fɛnfɛnnɔ wuɔ u baa' uŋɛndun ni ŋɔ.

⁴ Ninbi n'bumu, ni yé Uwien yaab nɛ, nɛ ki faake' nin *bitonnɛnŋɔbonsɔknɔb nnɔ, kimɛ *Uwien ya Fuoŋaanm mà te ni'ni nnɔ faa kí cɛn' Kristo ya nɛnnɛnd wà te uŋɛndun ni nnɔ.

⁵ Ben yé unɛndun yaab nɛ. Nɛn bo nɛ bi lienh unɛndun ya lenm, nɛ unɛndun ya nib cengeh bi'bó.

⁶ Tinbi ben wɔn, ti yé Uwien yaab nɛ. Wà kɛ ben Uwien nɛ cengeh ti'bó. Wà kɛ ɲa yé Wien yɔ ɲa cengeh ti'bó. Nɛn nɛ cère' ti bende' *Mifuoñaanm, mɛn mà yé tigbɛm̀nt nnɔ te binib bà ni, ki cère' ti bende' usɛnpol utonnɛndaan mɔ te binib bà ni.

Miyiem ñɛh Uwien saan nɛ

⁷ N'jɔtieɛ, cère mɛn tí li yíe tɔb, kime miyiem ñɛn' Uwien saan nɛ. Wà kɛ ɲmɔbe miyiem la, u yé Uwien ya buk nɛ, ki ben Uwien.

⁸ Wà ɲa ɲmɔbe yíem la, wa ben Wien, kime Uwien yé miyiem ya daan nɛ.

⁹ Uwien wuɔn' tɛ u'yíem ma bo sɔ: u sɔn' ní u'Bijɛbaab unɛndun wuu ni ɲɔ wɔn bo tí li fuobe nɛ.

¹⁰ Miyiem nnɔ si nà sɔ: na yé tinbi nɛ yíe Uwien, Uwien nɛ yíe tɛ, ki sɔn' ní u'Bijɛ unɛndun ni, wɔ ní lá taa u'ba kí tien lituɔrl kí de Uwien ɲɔ wɔ ní fère tɛ ti'biere.

¹¹ N'jɔtieɛ, Uwien yíe tɛ nnɔ ma nnɔ, ní kpɛ ti'mɔ ní li yíe tɔb nɛ.

¹² Uba ɲa kpele ki laa' Wien. Ti yíe tɔb la, Uwien tɛ nin tɛ nɛ, nɛ u'yíem te ti'ni ki tĩ gben'.

¹³ Nà cère' ti ben ki ye ti tɛ nin Uwien nɛ Uwien mɔ tɛ nin tɛ nnɔ si: u de' tɛ *u'Fuoñaanm.

¹⁴ Tinbi laa' Uwien ya Bijɛ, nɛ ki kundeh im̀n ki teh u'Baa nɛ sɔn' wɔ ní unɛndun wuu ni, wɔ ní lá li yé unɛndun ya nib ya ɲmienl.

¹⁵ Wà kɛ lienh ki teh *Yesu yé Uwien ya Bijɛ la, Uwien tɛ nin udaan nɛ, nɛ u'mɔ tɛ nin Uwien.

¹⁶ Tinbi ben Uwien yíe tɛ ma bo, nɛ ki teke' ki jin'.

Uwien yé miyíem ya daan nε. Wà kε ηmabe miyíem la, u tε nin Uwien nε, nε Uwien mɔ tε nin wɔ.

¹⁷ Nà cèrè' miyíem te ti'ni ki tĩ gben' ηɔ tí li ηmabe midum Uwien li bu binib tibuur lidaali là nnɔ si: Kristo te ma bo nnɔ, ti'mɔ te nnɔ nε unɛndun wuu ni.

¹⁸ Jεwaanbu ηa te yíem ni. Miyíem mà mɔn ki tĩ gben' gbendeh bujεwaanbu nε. Utudere bo nε binib fenge. Unil wà fenge ηa laan ηmabe yíem mà mɔn ki tĩ gben'.

¹⁹ Tinbi yíe Uwien, kimε wɔn nε kpiε' ki yíe' tε.

²⁰ Unil lienh ki teh u yíe Uwien, ka yíe u'tɔ la, u yé utonnendaan nε. Kimε nil ηa yíe u'tɔ wà u lenh wɔ la, wa ní fre kí ye u yíe Uwien wà wa lenh wɔ.

²¹ *Yesu Kristo de' tε liwɔbl là sɔ: unil yíe Uwien la, wɔ ní li yíe u'tɔ mɔ.

5

Teke mɛn Uwien ya bijε ki ji, ki faake nin unɛndun

¹ Wà kε teke' ki jin' ki ye *Yesu yé Uwien ya Nigendke Kristo la, udaan yé Uwien ya buk nε. Wà kε yíe kibuk ya baa la, u yíe u'buk mɔ nε.

² Ti yíe Uwien ki boh u'wɔb la, nɛn nε wɔngeh ki teh ti yíe u'bumu.

³ Kimε Uwien ya yíem si: tí li boh u'wɔb nε. Nε u'wɔb nnɔ ηa faa.

⁴ Wà kε yé Uwien ya buk nε faakreh nin unɛndun. Ti'tekjim nε cèreh ti faakreh nin unɛndun.

⁵ Njme yé unil wà faakreh nin unɛndun-i? Wɔn si: wà teke' ki jin' ki ye *Yesu yé Uwien ya Bijε.

Yesu Kristo ya mɔnkunb

⁶ Wəŋ *Yesu Kristo ne baa' ní nin miñunm nin misèm*. Na yé u baa' nin miñunm baba ne, u baa' nin miñunm nin misèm ne. *Mifuoñaanm kundeh iməŋ, kimε mǐ yé iməŋ ne.

⁷ Bi te biməŋkunb bita ne.

⁸ Bεn si: Mifuoñaanm nin miñunm nin misèm. Bεn bita nnə ke kpe buñəbu ne.

⁹ Ti teknh binib ya məŋkun la, tí li bεn kí ye Uwien ya məŋkun cεn' binib yu. Uwien ya məŋkun nnə si: u kun' iməŋ ki ye *Yesu mənbe ki yé u'Bije ne.

¹⁰ Wə teke' Uwien ya Bije ki jin' la, u tuo' Uwien kun' iməŋ yə nnə ne. Ama wə ŋa teke' Uwien ki jin' la, u yih wə utonnendaan ne, kimε wa teke' Uwien kun' u'Bije bo iməŋ yə nnə ne ki jin'.

¹¹ Uwien ya məŋkun nnə si: u de' te limiel là ŋa ŋməbe gbenm, ne u'Bije ne yé limiel nnə ya daan.

¹² Wə te nin Uwien ya Bije ne ŋməbe limiel nnə. Wə ŋa te nin Uwien ya Bije ŋa ŋməbe lè.

Tigbɛfɔrkaar

¹³ N kele' tigber tuu ke ki de' ne ŋə ní bende kí ye ninbi bà teke' Uwien ya Bije ki jin' nnə, ni ŋməbe limiel là ŋa ŋməbe gbenm ne.

¹⁴ Ti ŋməbe midum mà Uwien saan si: ti miε' wə nə ke u'yiem bo la, u cengeh ti'bó ne.

¹⁵ Ti bεn u cengeh ti'bó ma nnə, ti miε' wə nə ke la, ti du ki ye ti laa' nè ŋə.

¹⁶ Unil laa' u'tə teh ibiere yə ŋa kuuleh la, wə ní kàare kí de wə ŋə Uwien ní tūəre u'fuobm, nǐ yé ibiere nnə ŋa mənbe ki kuuleh ne la. Kimε ibiere

* **5:6** *Yesu Kristo ne baa' ní nin miñunm nin misèm ya tingi si: Bi sii' wə Uwien ya ñunm nin u'kuum ne.*

iba te ki kuuleh, ma niireh be ní kàare kí de binib bà teh i ya biere.

¹⁷ Itùon yà ke ña cuube yé ibiere ne. Ama nà yé ibiere ke ne kuuleh.

¹⁸ Ti ben ki ye wà ke yé Uwien ya buk ña ji teh biere, kimε Uwien ya Bijε gu wɔ, ne usenpol ubiero ña ní fre kí tien wɔ niba.

¹⁹ Ti ben ki ye tinbi yé Uwien ya bumu ne, ki ben mɔ ki ye uɛndun ya nib ke te usenpol ubiero ya wɔbl ni ne.

²⁰ Ti ben ki ye Uwien ya Bijε baa' ki wuɔn' te ti li tien ma kí bende Uwenmɔn ne. Ti te nin Uwenmɔn ne, kí ñe u'Bijε *Yesu Kristo bo. Wɔn ne yé Uwenmɔn, ki yé limiel là ña ñmɔbe gbenm ya daan.

²¹ N'bumu, liike men ni'yul bo nin ibule ya gber.

Uwien ya Jɔtiefɛnku ya gbɔnku
The New Testament in the Ngangam language of Togo
copyright © 2011 Wycliffe Bible Translators, Inc.

Language: Ngangam

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ngangam

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
f30fbe0b-cda1-5a60-a4ee-8be80c6caef6